



Laerskool Danie Malan

Tel: (012) 546-1358/1368
Faks: (012) 546-0705
Koos De La Reystraat 279
Posbus 16163
Pretoria-Noord 0116
www.daniemalan.co.za
E-pos: navrae@daniemalan.co.za

Tel: (012) 546-1358/1368
Fax: (012) 546-0705
279 Koos De La Rey Street
PO Box 16163
Pretoria North 0116
www.daniemalan.co.za
E-mail: navrae@daniemalan.co.za

OMSENBRIEF 20 – JUNIE 2018

Geagte ouers

PERSONEEL

Juffrou Clarice Schmidt is Maandag geopereer om 'n letsel op haar brein te verwyder. Sy gaan later weer geopereer word om die weefsel te herstel. Ons dink aan haar en bid vir haar volkome herstel.

Baie geluk aan Juffrou Marisce Dold wat op 14 Junie verjaar en Juffrou Brenda Engelbrecht wat op 16 Junie verjaar.

DATUMS VIR KWARTAAL 2 VAN 2018

11 Junie	EKSAMEN: WISKUNDE (Gr 6 Provinsiaal)
12 Junie	EKSAMEN: SKEPPENDE KUNSTE (Gr 7)
13 Junie	EKSAMEN: NW EN TEGNOLOGIE (Gr 4 - 6) NW Gr 7 (Gr 6 Provinsiaal) KOOP 'n KOLWYNTJIE VIR R10. BESTELLINGS SLUIT 13 JUNIE 2018. (R5 VAN DIE GELD WORD AAN DIE BEHOEFTIGE FONDS GESKENK). KOLWYNTJIES SAL OP 22 JUNIE UITGEDEEL WORD.
15 Junie	Leierraakvat
16 Junie	Slow pitch day – skool
18 Junie	Graad R – Gr 3 Rapporte uit
19 Junie	17:30 Graad R – Gr 3 oueraand
22 Junie	11:00: SKOOL SLUIT Markdag: Gr 6 – geen boeties, sussies, vriende en familie wat nie van Danie Malan is nie mag saam met die leerders skool toe kom nie. Leerlinge betaal R5 vir behoeftige fonds en dra gewone klere. KOLWYNTJIES WORD OP 22 JUNIE UITGEDEEL.

SKOOLBYWONING

Neem asseblief kennis dat die skool normaal voortgaan nadat die laaste vraestel geskryf is. Daar is nog assesserings wat afgehandel moet word. U samewerking in die verband word waardeer.

WEBBLAD

Ons is in die proses om kwotasies te verkry om die skool se webblad oor te doen. Indien daar ouers is met kennis van webtuistes en kwotasies vir ons kan inwin of Donderdag 21 Junie van 09:00 – 12:00 op 'n paneel wil dien om die voorleggings te beoordeel, sal ons dit baie waardeer. Epos die hoof by hoof@daniemalan.co.za indien u kan help.

NB!!!! UITTEKEN VAN LEERDERS GEDURENDE DIE SKOOLDAG

Geagte ouers wanneer 'n ouer net by die skool opdaag om sy / haar kind uit te teken en daardie leerder uitgeroep moet word is dit uiters ontwrigtend. Hierdie praktyk het so ge-eskalleer dat die skool se navrae toonbank bykans tot stilstand kom en klasse konstant ontwrig word veral op Vrydae.

- “Geen ouer het die reg om 'n leerder sonder 'n geldige rede uit die skool te hou nie (Departement van Basiese Onderwys se Beleid op skoolbywoning 2010).
- Vakansie en privaatsake is nie 'n geldige rede nie (Departement van Basiese Onderwys se Beleid op skoolbywoning 2010).
- Indien 'n leerder wel met 'n geldige rede gedurende die skooldag die skool moet verlaat, moet die skool ten minste die dag voor die tyd daarvan verwittig word per brief deur die ouer. **Geen e-posse,**

fakse of sms'e sal aanvaar word nie, slegs 'n brief met die oorspronklike handtekening van die ouer.

- Hierdie brief word deur die leerder aan die graadhoof sowel as die betrokke vakpersoneel getoon. Die personeel teken dan die brief.
- Op die gegewe dag en tyd wat die leerder die skool moet verlaat, sal die leerder self verskoning maak by sy / haar vakonderwyser en die brief toon.
- Geen leerder sal meer net uit 'n klas geroep word nie.
- 'n Leerder sal slegs toegelaat word om die terrein te verlaat indien die wettige ouer of voog sodanige leerder self kom afhaal, geen leerder sal op eie verantwoordelikheid toegelaat word om die terrein te verlaat nie.
- **Ouers wat hul leerders op Vrydae vroeër wil kom uitteken sonder 'n bewys van 'n doktersbrief moet die leerders by die hoof kom uitteken en nie meer by ontvangs nie.**

EK HET KARAKTER

Baie geluk aan die volgende leerders wie se waarde rytjies almal vol is:

Aiden Meyer, Jean-Pierre van der Westhuizen, Liné van Zyl, Michael de Villiers, Janiqa Venter en Jayden de Villiers, Megan du Preez, Liela van der Westhuizen, Heinrich van den Heever.

Hul dra 'n "badge" daarvoor met die woorde "Ek het karakter".

Hierdie is 'n besondere prestasie. Geluk aan die leerders en sterkte met jul volgende waarde rytjies wat jul nou gaan volmaak. Sterkte ook aan al die kinders wat hard werk vir hul waarde-plakkers.

TENNIS

Ons tennislīga begin in kwartaal 3. Ons gaan uitspele hou om spanne te kies. Ons gaan die uitspele op die 18de en 20ste Junie hou by Pretoria-Noord Tennisklub. Spelers wat tennis kan speel is welkom om te kom deelneem.

RUGBY

Uitslae teen Poort op 7 Junie:

- O/9A wen 33 – 0 Naaswenners in liga – uitspele
- O/10A verloor 19 – 17
- O/11A verloor 26 – 22
- 2des wen 14 – 12 (naaswenners in liga)
- 1 stes verloor 17 - 10

Baie geluk. Ons is baie trots op julle.

SAGTEBAL – SLOW PITCH DAG

Daar word die 16de Junie 'n Slow Pitch dag gehou by Laerskool Danie Malan. As u belangstel om 'n span in te skryf kontrak asseblief vir Estée Viljoen by esteeviljoen1122@gmail.com voor of op 8ste Junie 2018. Die dag belooft om baie pret te wees en is vir fondsinsameling vir die Sagtebal.

MINI-SAGTEBAL KURSUS

Die kursus sal op Dinsdag 12 Junie plaasvind, vanaf 13:30 tot 17:30. Die kostes sal R150 per speler wees en u sal tyd hê tot 8 Junie om te betaal. Die spelers wat die kursus bywoon sal baie daarby baat. Dit gaan nie net leersaam wees vir afrigters en spelers nie, maar ook vet pret!!

SAGTEBAL OEFENING

Die dogters begin 12 Junie oefen. Tye is op die seisoen brief gegee.

JUKSKEI

Ons is opgewonde oor ons nuutste sportsoort wat van hierdie jaar af aangebied word naamlik Juskei. Enige seun/dogter wat belangstel om deel te wees van Juskei moet asseblief by die oefening en proewe uit kom. Ons gaan op die volgende dae en tye oefen.

- Dinsdag 12 Junie
- Donderdag 14 Junie
- Maandag 18 Junie
- Dinsdag 19 Junie
- Donderdag 21 Junie

Oefentye is as volg 14:15 – 15:00 (Sessie 1) of 15:00 – 15:45 (Sessie 2) en sal plaasvind by Riebeeck Park. Ons Liga begin eers in Kwartaal 3 en indien u seun/dogter gekies word vir die span sal hy/sy Donderdag 21 Junie 'n finale brief ontvang met belangrike datums.

KFC MINI-KRIEKET

Die KFC Mini Krieket sal weer in die derde kwartaal plaasvind. Oefeninge sal plaasvind op Maandae en Woensdae aande vanaf 18h00 tot 19h00. Vir verdere inligting kontak asseblief vir Michelle by 060 846 8313.

BOEKVERKOPING

Kom koop vir jou 'n pragtige en bekostigbare boek Maandag 18 Junie tot Woensdag 20 Junie in die skoolsaal.

KONSERT

Die konsert gaan in kwartaal 3 plaasvind. Elke leerder wat deelneem gaan R180 vir konsertklere moet betaal. Ons moet reeds van die klere bestel en laat maak sodat dit betyds reg kan wees. Elke leerder van Graad R - 7 kan deelneem. Vultooi asb. die afskeurstrokie in en stuur so gou as moontlik terug skool toe. U is welkom om die konsertklere af te betaal. Gebruik u familiekode en konsertklere as verwysing. Indien u van 1 Mei tot 1 Junie in paaiemente betaal sal dit u R90 per maand kos. Leerders wie se ouers vir vrystelling aansoek gedoen het en ontvang het en hulp benodig met die betaling van die konsertklere kan 'n brief aan die skoolhoof skryf en versoek dat die konsertklere geborg word. Ouers wat kan, is ook welkom om 'n minder bevoorregte leerder se klere te borg. Ons sal toesig reël tydens oefeninge in kwartaal 3 vir die leerders wat nie aan die konsert wil deelneem nie. Die leerders geniet dit gewoonlik baie en kry net drie geleenthede in hul laerskoolloopbaan om daaraan deel te neem.

KONSERT OEFENTYE HOOFKARAKTERS EN BYKARAKTERS

Neem asseblief kennis van die volgende oefentye vir die Toneel dit begin stiptelik om 13:10 op Vrydae.

- 1 Junie – Toneel 1 en 2
- 8 Junie – Toneel 3 en 4
- 15 Junie – Toneel 5 en 6
- 20 Julie – Toneel 7 en 8
- 27 Julie – Toneel 1 en 2
- 3 Augustus - Toneel 3 en 4
- 17 Augustus – Toneel 7 en 8
- 24 Augustus – Toneel 1 – 4
- 31 Augustus – Toneel 5 – 8
- 7 September – Toneel 1 – 4

GRAAD 6 OPVOEDKUNDIGE TOER 2018

22 Okt – 26 Okt 2018

R1 600 per leerder

Dit is 'n groot voorreg vandag om skooltoere te kan bywoon. Die lewe het so duur geword dat dit nie altyd vir ouers moontlik is om hul kinders op uitstappies / vakansies te neem nie. By Sediba Kwele kry leerders die geleentheid om saam hul portuurgroep vet pret aktiwiteite te doen, soos spanbou, hindernisbaan, vlot bou, "cable tango", "Gladiator" uitdaging, stap na boskamp, vuurkonsert en vele meer.

Die lodge se fasiliteite is van uitstaande gehalte. Gaan besoek gerus hul webtuiste. www.sedibakwele.co.za

Die volle bedrag moet op 1 Oktober 2018 betaal wees. U kan die bedrag afbetaal of die volle bedrag voor 1 Oktober. Geen betalings na 1 Oktober sal aanvaar word nie – tref dus vroegtydig die nodige reëlings. 'n Duidelike verwysing is baie belangrik met elke inbetaling. Bv. JBotha6/D6toer of familiekode en toer.

BELONING – VRYDAG 13:00

Op Vrydag, 15 Junie 2018 verdaag die Gr 1 - 7 leerders om 13:00, omdat die terrein netjies was. Die Gr 1 leerders help die week met die ekstra opruiming.

BROODSAKKIE-KNIPPIE-PROJEK

Vir elke 200 broodsakkies vol knippies wat ingesamel word kan 1 rolstoel aan 'n minder bevoorregte kind geskenk word. Ons wil u dus aanmoedig om nie die knippies weg te gooi nie, maar na kamer B1 te stuur.

OU SKOOLDRAG SKENK

Die klerebank is dringend opsoek na skoolskoene vir behoeftige leerders. Groottes 1, 2, 3 en 4 asseblief. Onthou asseblief om ou skooldrag wat nog in 'n goeie toestand is en skoon is aan die klerebank te skenk. Ons benodig ook Atletiekdrag en Vrydagdrag hempies en broekies.

OU LEGO'S SKENK

Indien daar dalk iemand is wat ou Lego's (stelle of stukkies) wil skenk sal dit baie waardeer word. Ons Speltarepeute wil dit graag gebruik in terapie.

BROODJIEHUIS

Ons benodig dringend pap, melk, suiker en margarien vir die broodjehuis. Ons voorsien die behoeftige leerders van pap in die oggende. Indien ouers ons kan help sal dit opreg waardeer word. Items kan by die kantoor ingehandig word. Indien u broodjies vir pouses kan maak kontak asseblief vir Altje Conradie by 082 372 7093. 'n Ouer kry slegs een maal per maand die geleentheid om broodjies te maak. U is ook welkom om 'n kontant skenking te maak vir ons behoeftige fonds. U kan 'n EFT betaling maak met die verwysing "Broodjieprojek".

KLEREBANK TYE

Die klerebank sal oop wees op Dinsdae en Donderdae vanaf 06h45 tot 07h00 en dan weer 14h00 tot 14h15. Ons wil ouers asseblief vriendelik versoek om asseblief by hierdie tye te hou.

ONBEKENDE DEPOSITO'S

Die volgende elektroniese betalings ontvang, se verwysingsnommers is foutief en kan nie na die korrekte skoolrekening geallokeer word nie.

Datum	Verwysing gebruik	Bedrag
2018-01-15	SHALE	R900.00
2018-02-08	Laerskool Dsne Malan	R1 000.00
2018-03-26	1781 school fund	R1 000.00
2018-04-30	SCHO 02	R100.00
2018-05-16	Edu-Loan	R8 392.32

Kontak asb. finansies om regstellings aan te bring.

Neem asseblief kennis: U moet u familiekode as verwysing gebruik. Indien u vir skoolfonds en naskool saam betaal, moet u saam met die familiekode 'n SK vir skoolgeld en NA vir naskool byvoeg. Indien u vir iets anders betaal behalwe skoolgeld moet u die familiekode en 'n addisionele verwysing soos Behoeftige fonds byvoeg.

LANDLOOPOEFENING

Daar is elke Maandag tot Vrydag gratis landlooptoer by Hillside Golfbaan van 16:50 – 18:00. Skakel asb. die afrigter, Wessel du Toit by 079 544 1398 vir meer inligting.

Onthou dat daar elke Saterdag om 08:00 'n gratis "Parkrun" van 5 km by Hillside Golfbaan is. Registreer by <https://www.parkrun.co.za/register/> vir 'n "Parkrun" en neem u hele gesin vir so 'n uitstapjie op 'n Saterdag.

GEDENKMUUR:

Die leerlinge in Graad 7, kan R140 kan betaal om hul naam op die **Gedenkmuur** aan te bring. Leerlinge wat op rade dien, se betrokke raad sal ook daarop aangedui word. Die Graad 7's van 2018 se gedenksteen, met hul name op gegraveer sal met die Graad 7 afskeids-erediens onthul word. Dankie vir u samewerking en ondersteuning. Sluitingsdatum is einde Augustus 2018.

FOTOBOEK GRAAD 7

Ons is besig om 'n Graad 7 Fotoboek van 100 bladsye saam te stel. Die boek gaan net Graad 7 foto's van die jaar bevat en gaan volkleur wees. Die koste per boek is R320.00 vir 'n hardeband. Ons beveel aan dat u eerder 'n hardeband koop. Voorbeelde kan besigtig word by die kantoor. **Indien u 'n elektroniese betaling doen moet u, u familiekode en fotoboek as verwysing gebruik. Indien u dit nie doen nie gaan u betaling nie na die korrekte begrotingsrekening geplaas word. Dring ook aan op 'n kwitansie en hou asb. tot u die fotoboek ontvang het.** U kan bestellings by u klasvoog plaas. Die laaste dag vir betalings is 30 November. Die volgende foto's gaan in die boek verskyn:

- Klasfoto's en enkelfoto's van elke graad 7 leerder en klas.
- Waatlemoenfees, Waterkaskenades, Sokkies, Gedenkmuur, Merietefunksie, Kleurfees ens.
- Atletiek, Netbal, Krieket, Tennis, Sagtebal, Koor, Konsert, Sokker, Skaak ens.
- Groepfoto's van sport en kultuur.

NASKOOL

Kontak vir Joanne Tintinger by 081 562 9907 vir meer inligting.

LOSIE / LAPA UITVERHUUR

Ons verhuur die skool se Lapa uit vir funksies met breekware en stoele en tafels ingesluit teen R2 500 per geleentheid, met 'n R500 deposito. U is welkom om die losie te bespreek by ontvangs@daniemalan.co.za of te skakel en met Annatjie Degenaar te praat.

GEBEDSGROEP

Ons mammas bid elke Woensdag oggend by Danie Malan vir verskeie sake, onder andere vir u kind in Danie Malan. Daar is baie krag in gebed, daarom vra ons kom bid asseblief saam met ons vanaf 07h00 tot 08h00. Vir enige navrae skakel gerus vir Liza by 073 310 1074.

Groete



Hettie Smith
Skoolhoof

SAAMRY GELEENTHEID

Kontak Mev. J Muller 083 752 6996 in verband met vervoer vir haar twee kinders na Burgerstraat Pretoria Noord omgewing.

NISSAN
Innovation that excites

SPOILED for choice!

BB SINOVILLE NISSAN
CNR LAVENDER & BRAAM PRETORIUS ROAD, ANNLIN
www.bbsinovillenissan.co.za | FSP: 22482

Contact us today

Proudly part of the **BB** MOTORGROUP

Juan - 079 872 0122
012 543 8700